

Mit diesem Rohr wird diese ganze sache verrichtet. Es soll aber die
 Länge dieses Rohrs gemacht sein / nach dem es von nöthen / vnd in der form
 wie hie fürgebildet / das es wol Proportinoirt sey / gegen den grossen
 Schenckel / damit die Kräfte mög haben / das Wasser an sich zu ziehen / vnd
 vber sich zu heben / wie hie zusehen / darmit man aber dis Instrument das
 erste mahl möge füllen / hat man oben daran ein loch gemacht / welches so
 es mit Wasser gefüllet wird / vnd man die zwey löcher vnten wol zustopfft /
 wird sich das öbrige selber gar wol zuschliessen.

Darnach soll man auff einmal vnd mit einander die zwey vntere lecher
 auff thun / doch sollen sie zuvor also gerichte sein / daß das Wasser von stund
 an dahin rinne / da es sein arbeit soll verbringen : Vnd das orth welches das
 Wasser soll an sich ziehen / dahin gesetzt werde / da das Wasser zu nemmen:
 Darmit der modus auff einmal angefangen werd. Vnd dieses wird sein
 operation haben wie in der figur zusehen / vnd wird die stercke der be-
 legerung an diesem Instrument verursacht / durch den grossen
 Schenckel weil derselb grössern gewalt hat / das Wasser an
 sich zu ziehen / welches eingeehet / durch den klei-
 nen Schenckel.



Alus